

Sá' Yee Kitu Ke Nsay Yee Kùm Ghay Wìr Msòṅ

Shúu Fù

Mo kí dzə̀ən kì kiíyín jì viwìr ve vìr msòṅ ví dzè á fómo Nyùu wùn à jì ghay ṅgàṅ seé kƒəə wìr msòṅ sí dzè kinsèṅ ke vitaaví, suuyrú wùn à nyaáṅ é kitu ke nsay,

Mo tà'ntéṅ wùn à nyaáṅ fọ ghay wìr msòṅé kù dìnèn ne laàyeé a dzè wo lì nyàm se kwa' wo wù bivirin vífí vé wíri wùn à woṅ wo wíri kì kér fọ a yu vijun ve kisuǹnìn keé ṅgèṅgèr wùn à Biímée, a' fọ a dzə là fan wùn à fo kitan kì siìn kì kiíyín jì dzè á shíí wo tavín wo wìr dzəm,

Mo kí dzə̀ən é shíí jì nsər kɪṅ á ghay wìr msòṅ fo wíri shwííy kilòṅ e wìy e rər sí bì' fo bó á yò' dzəə kér dzəə yimò' fọo sə vitú vév fọ sa' vitaaví wùn à nə'sí,

Mo kí dzə̀ən é shíí fọo yìí é vitúm vi wáa kòṅnén,

Mo wír veé Kintatì ke vitum veé kitu ke nsayi fèrìn ne nsər fọo səə biímé yév e kùm kinsèṅ ke gháy wìr nsòṅ, fọo dìn viwìr wùn à viku'ùu vé wìr, à viréṅrèṅ vé lùmèn w`n wííy, e kƒèn wáy wáyín jì kikuúyí ke wòṅ wùn à Dzə'èm ye juṅe dzè é mvə vitaaví ve du'un ví,

Mo vitúm ve dzə̀ən ṅgàṅ se Kintatì ke vitum veé kitu ke nsay vi kà`àn ne fo áwunee vitu jì á wiy suusín wo', e so fo wìr dzəm wáa ker għvém e kƒèn a lèm nsər see kùm ghay wùn à vitaaví vé wíri.

Mo wìr dzə`m kiiy ghay sìn wùn à vitaaví vin vi, kí dzè é shíí fo ṅkà'mé vèn wáa dzə eyiìn,

Mo kí dzə̀ən ben,

Dzə'èm Ye Ku'ùne

Nèn fùṅ

Sá'yee Kitu Ke Nsay Yee Kùm Ghay Wìr Msòṅ Rən, jì mfi' njiìn yee rəṅ fo wíri wùn à vitúm vi vidzəm, e dú e máy jiwìr wò'ón mò'ón wùn à Vintati veé wòṅ vi, mo á lem s'a'rèn ghán sidzəm e vífí, a wiy a mùm e mvèm yè'éy wùn à duṅrii fọ a tavír għvém gháy sìn wùn a vitaaví vin vi, shishár shishàr, e mvém wóṅ wùn ákitu ke nsay fọ yìí, aá kiíy e kƒèn a lèm kijuujùn e mvèm wìr veé vitum ve dzəəṅ ṅgàṅ si wún à wír veé vitum ve áwune sar sá'rèn vi.

1

Á dzəé wir dzəm réṅrèṅ fọ għvəm wùn à fọ ghày, á yo' dzəé wir msòṅ jì kwàn. Wìr dzəm k̀m k fómo woo fọ kwà'tì wùn à fọ vífí, a wù kér fọ a yìí e wùmò' woo wír moo fér və.

2

Wìr dèm kér ghay wùn à vitaaví ví vidzəm mo sá' rène suuyin là nya' kìn kùm rám, nshòm, kìn lumèn kìn Wííy, kìn lám, biímé yee kùm Nyùu, dzəə sa', kwa'tì símó'sí, kitúm wùn à ṅkè' se dzə'èm si, kèṅ, kidzə́y kìn anta' á mó'ó.

3

Wìr dzèm kér vitaáví fọ́ a dzə e tin, fọ́o yìi mo wù ta' a yìi e kfèn a dzə e kìnèn.

4

Wìr yò' kér fọ́ a lìm vikwàn, kìn a lìm lim yee là vikaanè. Vikwàn wùn à mfiìnè wìr msòŋ, kìn dzè é dzəə rənè yò' kér fọ́ a dzə.

5

Á yò' kér fọ́ a nyàvrì e wìr a yìi kfəə kinyò ke kí wáa kìn moo ji wìr yó' dzè á wír bèy.

6

Fo nsər si, wìr dzèm kér ghay viré' vidzèm fọ́ a yensín ji wír.

7

Wìr dzèm dzè réŋréŋ é sar nsər. A nsər kér fọ́ a shìy wun réŋréŋ là nya'. Nsər kér fọ́ a kìn wìr dzèm réŋréŋ là nya' e ghan se kinyà' ki nəən ne e nèn bvə' sá' wìr msòŋ rən. Lá wìr yò' a bayír wíri ji á wáa leéy á mó'ó ntéŋ.

8

Wìr dzèm kér ghay ji nsər yeé wòŋ nəé e wun kinyò, e tàr kijun e ghan se wìr /wíri bvə'ən nsər ye woŋe foon kìn ye yì dzəən é ŋwà' nsər woó wòŋ, ji yì wáa shìy wun/ áwune.

9

Lá wìr yò'wìy koò wír e fìn e lav, e nə'sì kìn e jùm fo wòŋ, a bó nsər yeé wòŋ yo' biimé.

10

Wìr dzèm kér ghay réŋréŋ fo á sá' nsa'rə là kilo', a wù kér ghay ji á sá' á nsa' rə é lav nsa' yeé ŋgèŋgèr ye yì tíy fo wun kitu, kfèn sá'nsa' réŋréŋ mo yì dzəən là kilo' fọ́o dìn vitaáví ve wù kéré wùn à vinyo ve wù kér fọ́o yìi vi wùn à nsa' yee kùm wun.

11

Wìr dzèm wo á toyin wun e kinyó kér ghay fo kwa'tìi wáa dzə ji wù dzè á là jay, e meé e ghan se wù tiim e ŋgèŋgèr e kibà' ke nsa' aá sá' wun réŋréŋ mo nsər dzəən, e bóo yen jay və bì' fo dzəən fen fo dzè dzəə sí fəəsín fọ́o sə wun.

Bó yò'dzè á koò wír ji bì' fo wù bù'un kinyo, kìn dzè kinyo kee là ndzèn ke á gov wír sho, e sar nsər wòŋ kìn yeé kitu ke nsay e ghan se kinyo kee shooy ki kooyin, a bó yò' dzè á fò ŋge' là' ye yì shaa kinyo ke ŋwèrín kì bù'un e ghan se kinyo ki kì kooyin.

12

Á yò' kér fọ́o nəè e wìr kilitì ké dzé'ə'm, kfəə', lá', ntum si kìn fọ́ a ròn ghvém ré, kìn yìr ré, a bó yò'dzè mo nsər ta'à. Wìr dzèm kér ghay fo nsər kìn wun fo vinyò fèn.

13

Wìr dzèm kér ghay fọ́ a ghan a shiíy ááwuneé mvəm woŋ mo wù koŋé.

wír dzèm kér ghay fóo fəə fo wòn wúmó'ó kìn fo vəə, e kfèn a ker vitaáví fóo kfən e bàm e wun wòn.

14

Wír dzèm kér ghay wo dzè wù wàa tà' e kfèn a yu vijun ve kibeèy fó kinjuyrì wír kìn dzè é kitum kiné kí.

Kibeèy kìn kì yò'dzè kí wàa dzə fo wír vee mo a nyén fo nsa' se bó sí yo' kùm dzəə sa' yee wòn wùn à vinyo ve bó ví yò' tóm ashií wùn à nsər se vintatì veé kitu ke nsay.

15

wír dzèm kér ghay e wun wòn fó a dzə wan Nsay.

Bó nsər yo'biímé ji á shá'nín á wír fo wun ghày moo wan nsay kìn fóo sha'nín ghay vé fo wù kúvsín kitúm kfə (woŋ vé')

16

Vilum wùn à Vikìy ve á kuyin ne là bìíy kùm rám, woŋ wùn à biímée, á kér ghay fó a ker tátí vijin, a fèr kfəé. Áwune kér vitaáví réŋrŋ é ghan sé tátí vijín, e mvèm dzè'əm tátí vijin wùn á ghan sé jàvsin.

Tátí vijiné kù dzé cá' a dzè cá' a dzè fo Wiíy wùn Lùmèn ve á biimen fo áwune vitu ji dzè á wàa dzə.

Kfəə dzè fómo Nyùy, a kfèn dzè kintatì ke ŋgwàrìn wòn, a kitúm wùn à woŋe kér fó a kìn.

17

Wír dzèm kér vitaáví fó a ker vifá vé fo wun kitu réŋréŋ mo dzè wù wàa ker e kintatì wùn à wír ámó'ó.

Nsər yo'biímé ji wír wùmò' kinen á wír wùmò' fo wun keŋ.

18

Wír dzèm kér ghay fó a ker kwa'tì ré, vifí vé wùn à biímé rəə. Ghay rəne tətí vitaáví vee fóo kuvsín dzəə biímé Nyúy, fo wun kitu kín é Kintatí wùn à wír ámó'ó wùn à é ŋgèŋgèr kìn kintatì fóo dìn biímé ré moo é dùŋrì, e yìì, e ghvəm wùn à fóo lèm nsər.

19

Wír dzèm kér ghay fóo shù kinyo wùn à fóo suúy kwa'tì ré; ghay rəne fó vitaáví fo wír wàa tiy e wun nshù là kinjivìr wùn à fóo tà', e səəsí, e kfèn sàmèr sá'ka wùn à kwa'tì si e dzəə see mo sá'ka yìi ghánen sho e kitu ke nsay là bìíy.

20

Wír dzèm kér ghay fóo tarnín wùn à wíri e kfèn tátí kintatì ke dzè'əm yee nyaáŋ.

Lá wír yò' kàn wír ji wù tátí á kintatì ke bó yò' dzəèn koŋ ré.

21

Wir dzèm kër ghay fòó a dzə e mvəm sa'yee wun wòn, fo wun kitu kin fòó sho' wíri aá li kiré' kfé.

Wir dzèm kër ghay rénréng fòó li kinyo kfé e dù sho e virè' vé lim vee wun wòn aá ka'ay.

Tím sa' yeé wòne wiy a dzə, a dzə mo wíri koñè. Koñ rène wiy a din wún é dzəə ye á wiy a sho'tí wíri shó e ghan sí ghan sí là kilo', a shó' tí rène wiy a yìi wir dzèm wo wù kuyin ne wùn à virénréng ví, aá wiy a sho' e kiliti kìn é dzəə yee réng yimò' ye yi shwinen rən.

22

Wir dzèm, moo wír woó wòn kër ghay ló a dzə e kiñèn, e klèn a yen ji woñe wùn à vitúm vimó' ví suúsín á wó, a kiñ wun rénréng mo káv kìn kéne dzəə`n é wòn si wòn si, e kùm ghay dzəə keñ, dzə'əm wùn á líi woñ wov ve dzəən ku fó wun viwír wùn, wùn à ghwéme.

23

Wir dzèm kër ghay fó a ker lim. Fòó sho' kfəə lim ye wù koñè, e laá yò' a bo' wun, é wù wáa lim lim a yu vijun wùn à ji wù wáa dzə e kiñèn fó kibun ke lim.

Wir dzèm wo wù lim lim rénréng kër fó a ker vila'ày rénréng là nya'.

Wir dzèm wo wù lim lim kër ghay fó a ker vilaámé vee réng ve ví gheenen wun ve dzə ví tòom wun wùn à kfəə rəə ji a dzə yí wáa ker viwír ve wír msòñ, wùn à ntom símó' sí, a shíi fèn dzə se sí wáa kìn dzə'əm ró.

Wir dzèm kër ghay fòó kè' kìn fòó tatí vintatì ve ví kiñ lim ré vee wun kòn.

24

Wir dzèm kër ghay fòó meèmè fo shuu lim a yìi kifá ke wù koñè, e tàtí wùn à ghán sé lim se sí wáa dzə sì gheénén wùn à vishiíy ve bam vi, a meèmè yee kè' fó ngàm ye yí wáa ker vilaámé.

25

Wir dzèm kër ghay fòó a ker dzə'əm ye yí wáa dzə e gheénén fòó yìi é wún wun wáa dzə e távín wùn à kfəə rəə, moo fó viyikìr, ndzəy, lav wùn à shív si, a vinyo veé shíi ve ví wáa sə wun, e kfèn a ker ghay fo á wáa leéy fo wun e ghan sé kibun ke lim, se yási, sé ndzám, sé viñkfə, sé vidzəənè kin kighà' woó dzə'əm wo wù shaàne vitaávi vé.

Yiy wùn wàn kër ghay fó a ker leéy wùn àsé yee jeéyí. Wón adzèm ve a dzəən kìn é mvəm tátí vijin kìn é visàkii kër ghay rénréng fó a dzə à kiñèn é dzə'əm.

26

Wir dzèm kër ghay fòó ye'éy ñwà'. Yé'éy rène kër fó a dzə kisán, a kí fèm ghà'é le, e ñkè'se á dzəé yiy yé'éy sho yíyin. Ìkè' yè'éy ye yiyìn rən kër fó a dzə kù fo wír dzèm. Yé'éy fèr wùn à yé lime kër fó a dzə tèéter fo wír dzèm. Yé'éy se tavkín sí se sí shaàn sìn si wiy a dzə fo wír dzèm rénréng mo vifí vé ví dzəən.

Shíi ñwà'wo ye'éyíne kër fó a dzə fòó yìi é wir kiíy wùn à fòó tavír ghwém yee kùm ghay wùn à vitaávi vé wír msòñ ví. Yí kër fòó kuyír yúnín, a lí vinyo fotèr, a kuyír viñkar e vitúm vidzèm ví mvəm, e mvəm kfəə se wír msòñ kìn vitatì ve dzəə biímé

Nyù, e kdèn a tavír lim se kintatì ke vitum veé kitu ke nsay fó a lèm nyaán.

Atà wùn aàyìyí kér ghay fóo sho' kféə ye'éy ye dzè á wàa fo e wón véví.

27

Wír dzèm kér ghay fó a tatí là kan e vinyò ve lii woo wun wòn, e kfèn a yu vijun ve fèr, a ker kilín fo kikuuyí ké vinyò ve á tàrìn ne kijun wùn à sé' və.

Wír dzèm kér ghay fó dzə e kiñen fó yir wùn à fó sé' wo wù loòn fo wun fèr kìn dzə yé tàr vinyò, sán wùn à yé fèr kiwoo.

28

Wír dzèm kér ghay fó a ker nyaán e wun wòn wùn á kitu ke nsay, e fí' a ker ghay wùn à vitaáví vé ví mo sá' rène suuyin.

29

Wír dzèm kér fó a lìm, a dzə e wun kilín bì'fo dzəèn fó cá'cá' fo dzə wù kùyír kitú kfə là kinjivìr.

Mo wír dzèm din ghay sìn wùn à vitaáví vé ví, wiy a sèr cá' vinyo vee mo nsər suuyì, e fí' a kìn kiíy wùn à ghhéme fo ghày wùn à vitaáví vé wír á mó'ó wùn à fóo runér rénrén mo lii wo jun, nyaán woó wòn wùn à dzə'əm ye juje e wòn wo wír dzèm kér ghay shoo ta'à.

Bó yò'dzè a dìn ghay sìn wùn à vitaávi vin vi jeéy e shaà fo dzəə yee mo kintatì ke vitúm veé kitu ke nsay ki ta'à.

30

Ki nyo ki yò'dzè shó e sa' fèn ke dzə kitúm, kintatì kìn wír wù bìnér jì kí fó wun vitaáví jì wù wàá yìi á kinyo ke kí laar á ghay sí wùn à vitaáví ví ve á sajen é sa'fèn.